

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126133](#)

14. v. 6. qui igitur minas & cedes spirat, ut Saulus, Act. 9. v. 1. ille non partem-habet cum Christo, sed ad hostes Christi pertinet. Homicida vero non habet vitam æternam in seipso manentem, 1. Joh. 3. v. 15.

3. Ratione impellentia. Hic nemo alius est, quam Diabolus, qui homicida est ab initio, Joh. 8. v. 44. cujus organa omnes illi sunt, qui à Diabolo captivi tenentur ad ipsius voluntatem, per cedes & homicidia, 2. Tim. 2. v. ult. idè sunt ex parte illius, Sap. 2. v. ult. manebuntque ejus in æternum, Apoc. 21. v. 8.

4. Ratione objecti recipientis. Quod est homo ratione prædictus, ad imaginem Dei conditus: qui vero imaginem Dei devastat, non impunè feret, sanguinis ejus vicissim effundetur per hominem, Gen. 9. v. 6. Deinde & servus & minister Dei est, quem Paulus judicare, nedum occidere prohibet, Rom. 14. v. 4. Exod. 20. v. 13.

Accedunt quandoque singulares quædam circumstantia: si occisus homo pius fuit, homicida templum Dei in illo violavit, ideoque rursus disperdetur a Deo, 1. Cor. 3. v. 17. si impius homo, hoc ipso homicida ei tempus pœnitentiae præripuit, adeoque peccatorum reatum ejus incurrit, quæ ita eum angustiabunt, ut aliquando clamaturus sit: Montes cadite super nos, Apoc. 6. v. 16.

5. Ratione consequentis. Nihil enim aliud sequitur, quam Dei ira & indignatio & pœna temporalis ac æterna. Hinc Salomo: Homo, qui violenter egerit in sanguine animæ, etiam si ad inferos usque fugeret, non sustentabunt eum, Prov. 28. v. 17. Et Christus ait: Qui acceperit gla-

dium, gladio peribit, Matth. 26. v. 32. Er licet Magistratus quandoque ex negligencia munus suum non obeat, tamen Deus vindicta erit, quod si non fit in hoc mundo, fit in altero, Apoc. 21. v. 8.

Videte Dilecti! tam grande peccatum est, si quis innocentem languinem effundat, & ejus reatum incurrit. Quilibet igitur caveat sibi, ne hoc crimine le collutulet. Stat enim firmiter: Manifesta sunt opera carnis, quæ qui faciunt, Regnum Dei non hereditabunt, Gal. 5. v. 21.

De Secundo.

Sequitur Medela, quæ fluit
I. Ex gratia divina oblatione. Propter-
ea dicit Servator: Ecce, ego mitto ad
vos, Prophetas, & Sapientes & Scribas.
Quamobrem? ut congregem vos, sicut
gallina congregat pullos suos sub alas.

Hæc impræmerita Dei gratia est, quam nunquam ab eo petivimus, & tamen adeò clemens est, ut legatos suos ad nos mittat, qui nos obsecrant, ut eis reconciliemur, 2. Cor. 5. v. 20. Per hæc viscera misericordia sua, nos visitavit oriens ab alto, Luc. 1. v. 79.

Miratur meritò mansuetudinem Da-
vidis, quæ Saulem prosecutus est, in spe-
lunca, dum occasionem naclus noluit ipsi manus violentas inferre: sed tantum oram chlamydis præscidit, ut hæc mansuetudine suæ eum sibi reconciliaret, 1. Sam. 24.
v. 46.

Ah Dilecti! quam facile nos Deus in
aquis suffocare posset, ut primum mun-
dum, Genel. 7. v. 22. aut igne & sulphure
delere, ut Sodomam & Gomorrah,
Gen. 29. v. 24. aut terræ mandare, ut nos

zzz 2 deglu-

deglutiret, ut Core, Dathan, & Abiron,
Num. 16. v. 31.

Quām facilē bestiis præcipere, ut nos dilacerarent, sicut duo ursi pueros Berthu-lienses, 2. Reg. 2. v. 24. vento, ut domus nostras prosterneret, & nos in eis sepeli-ret, ut filios Jobi, c. 1. v. 19. grandini, ut nos dejiceret, ut Ammonitas, Jos. 10. v. 11. quām facilē ap̄i sibilare, & πνεύματα in-ducere super nos, Esa. 7. v. 18. Nunquid est numerus turmarum ejus? Job. 25. v. 3. Furor hominum est laus ejus, reliquis furoris accinget se, Psal. 76. v. 11. Sir. 40. v. 35.

Sed exasperunt in se miserationes ejus, ne faciat furem irā suā, Ose. 11. v. 8. idō semper gratia ejus justitiae prævalet, jubetque bona spei esse filios suos, quoniam daturus est locum in peccatis pœnitentiae, Sap. 12. v. 19. & si castigat nos, in judicio castigat, ne nobis videamur innoxii, Jer. 30. v. 11. Judith. 8. v. 17.

Imprimis verò hæc Christi gratia ex eō eluescit, quod legatos suos ad nos mittit, collecturus nos, qui tamen ipsum multis modis offendimus, ideoque satius foret, ut nos legatos nostros, pœnitentiam scilicet & orationem ad eum ablegaremus, quæ sāpē multum apud eum valent, Jac. 5. v. 17. proindeq; agnoscamus, quod variis modis nos ad pœnitentiam invitet, ne di-vitias gratiæ ejus contemnamus, Rom. 2. v. 4. Tām citò enim irasci potest, quām misereri, & ira illius in peccatores non de-sinit, Sir. 5. v. 7.

II. Ex Tyrannidis perdite limitatione.
Hic audimus Christum in plurali dicen-tem: Ex illis occidetis & crucifigetis, &

ex illis flagellabitis: ex quo consequtur, quod nonnullos relinquare cogantur, quos non possint occidere, crucifigere, & flagellare. Hoc divinæ providentie ac-ceptum ferendum, quod si enim in hostium potestate esset, nemo nostrum superesset; sed Deus illis quāsi metam posuit, & dixit: usque hoc venies, & non procedes am-plius, & hīc confringes tuūentes fluctus tuos, Job. 36. v. 11.

Id testantur exempla Pharaonis, Exod. 14. v. 28. Sennacherib, Esa. 37. v. 29. seqq. Antiochi, 2. Macc. 9. v. 9.

Hic Deus adhuc vivit, & licet hostes violentia & infidiis rem agant, tamen meditantur in anima, Psal. 2. v. 1. sive cogitant consilia, quæ non possunt stabilire, Psal. 21. v. 12. & licet multos ramos ab arborebus Ecclesiæ recidant, tamen radicem & stirpem eradicare non possunt: nam sine Dei permisso ne capillus capitis nobis lādi potest, Matth. 10. v. 30. & quod hic Immanuel in fronte signat, nec mundus nec infernus ipsi etipere valet, Ezech. 9. v. 5.

III. Ex gallina cœlestis contemplatione, sub cuius imagine nobis Servator dilectionem suam adumbrat.

Moses narratus, quomodo Deus in principio cœlum & terram creaverit, ad-dit, quod Spiritus sanctus incubuerit aquis, instat gallinæ, quæ ovis incubat, & illa tamdiu fovet, dum pulli excludantur: Ita Dei quoque Spiritum chaos informe & immensum, ex quo mundus produ-cendus erat, per incubationem suam adeo foville dispositus & fœundasse, ut de-indè ex ordine ille formatus, & nō ē. hic

hic κόρμος ornatus sit, Genes. 1. per totum.

Quod igitur Spiritus Dei in opere Creationis fecisse dicitur, id Christo adscribendum est, qui venit ut vitam haberemus, & abundantius haberemus, Johan. 10. v. 11.

Scaliger scribit Exercit. 23. quod Aegyptii ad Cairum peculiarem rationem habeant ovorum multas centurias in furno excludendi, ex quibus statim diebus pulli agminatim erumpant. Verum in regionibus nostris Septentrionalibus ova gallinæ supponenda sunt.

Pari ratione nosmetipso nos juvare non possumus, sumus enim mortui in peccatis, Eph. 2. v. 5. quod si vero vitam recuperate velimus, Christus nos revivisceret necesse est. Hæc est voluntas Patris mei, qui misit me, Joh. 6. v. 40. ipse cibat nos præstantissimo tritico, Psal. 81. v. ult. ipse potat nos de fontibus Israel, Psal. 68. v. 27. ipse inumbrat nos tegmine alarum suarum, Psal. 36. v. 8. ipse tueretur nos adversus omnes injurias, ut Apostolos defendit, hinc ait: Quos dedisti mihi, ego custodi, & nemo ex eis periret, nisi filius perditionis, Joh. 17. v. 12. Tandem quoque nos in requiem deducit, & in habitacionem pacis, Esa. 32. v. 15. ubi protegimur a contradictione linguarum, Psalm. 31. v. 21. Ibi accipiemus Regnum decoris, & diametra speciei, de manu Domini, Sap. 5. v. 16. 17.

De Tertio.

Restat Cautela, quæ tribus absolvitur
Regulis, ut sunt

I. Ministerium negare. Christus Judæis magnam gratiam exhibuit, dum militeb illis

1. Prophetas, non ut olim in V. Testam. ubi partim juxta Ecclesiasticam, etiam Politicam jurisdictionem exercuerunt, sicut Moses, Samuel, aliisque: partim vero tantum verbi Ministerio praefuerunt, & de futura gratia prophetarunt, prænunciantes eas, quæ in Christo sunt, passiones, & posteriores glorias, 1. Petr. 1. v. 10. II. Sed Prophetæ sunt hæc διάδοχοι, qui è fonte S. Scripturæ de articulis fidei cum fructu differere, aliosque iuoritatem Dei instruere possunt, quo sensu capit, 1. Cor. 2. 4. v. 1. seq.

2. Sapientes. Hi sunt qui potentes sunt exhortati in doctrina sancta, & eos qui contradicunt, arguere, Tit. 1. v. 9. sciuntque proferre de thesauro suo vetera & nova, Matth. 13. v. 15. ad cuiuslibet captum se se attemperantes, præbentque lac paryulis, cibum solidum autem qui pro consuetudine exercitatos habent sensus, ad discretionem boni & mali, Hebr. 5. v. 13.

3. Scribas, qui à puero didicerunt sacras literas, ut Timotheus, 2. Timoth. 3. v. 15. & ad typum Levitici Pontificis judicium in pectorali sive in pectore gerunt, Exod. 28. v. 30. ut sic alios pro re natâ, & coram & per literas instruere possint: ne talentum suum abscondant, sed eodem supralucentur, Matth. 25. v. 21.

Tales præstantes viros misit Deus ad Judæos, ut eos ad salutem perduceret, si modò ipsi voluissent. Vult enim omnes homines salvati, & ad agnitonem veritatis pervenire, 1. Timoth. 2. v. 4.